

Biti student danas..

Da je biti student izuzetno težak zadatak znaju svi, od samih studenata, od onih koji su bili studneti, do roditelja, odnsono porodica studenata. Školovati se, ili za porodicu, školovati pa i jedno dijete, danas je postalo nemoguća misija. Pored toga što studentski život za većinu onih koji odlučuju o našm budućnostima (čitaj političara) jeste tabu tema, ne pridaje nam se značaj, ne ulaže se u mladost i pamet, a baš ta maldost i pamet jedina je šansa da nam osigura bolje sutra. Kao prilog ovome možemo se sjetiti sada velikih imena, naših korijena, koji su svoj potencijal unaprijeđivali u sistemima drugih država koji su ih prepoznali. To nas dovodi to toga da se zamislimo da li je pitanje „otići ili ostati?“ zaista pitanje vrijedno razmišljanja, ili je to „otići“ jedina šansa za uspjeh.

Zbog svega što se događa oko nas, zbog abnormalnih, sa platama nesrazmjernih poskupljenja, sa upravo prosječnim platama koje su smiješne za životni standard koji nam se nameće, ova nemoguća misija, iako nemoguće, nećete vjerovati postaje još više nemoguća.

Zvuči smiješno, a pak to smiješno živimo.

Jedan od mehanizama uz pomoću kojih nastavljamo „zdrave“ pameti živjeti u ovakovom sistemu jeste poricanje, ili nerazmišljanje, guranje u stranu problema koji nas muče. Iz tog razloga možete pogledati podatke kako biste lakše procesurali ono što živimo.

Sindikalna potrošačka korpa za mjesec februar ove godine iznosi 2.389,12 KM. Prilikom izrade SP korpe za ovaj mjesec obuhvaćene su kategorije koje su neophodne svakom čovjeku, pa tako i jednom studnetu. Bitno je reći da u ovaj iznos nisu uračunata, sada više ne tako „tiha poskupljenja“ kako su ih nekad nazivali. Dakle očekivani iznos za mjesec mart, vjerovatno i za mjesece koje slijede znatno je veći. U prilog ovome ne ide činjenica da prosječna (NETO) plata za februar mjesec u našoj državi 1.614KM. Za razliku od poskupljenja, od plata ne očekujemo da će rasti.

Kako onda sve ovo utiče na studente?

Pogledajmo par realnih situacija studenata.

	Xx Redovan/Državni univerzitet (Arhitektoski fakultet)	Nn Samofinansirajući/Državni (Zdravstveni fakultet)	Xn Privatni (odsijek-Grafički dizajn i multimedija)	Nx Inostranstvo (Pedagoški fakultet)
školarina	/	800KM	3150KM(godina)	80KM(Bilateralni sporazum)
upisni materijali	250KM	150KM	100KM	/
stanovanje	200KM	200KM	200KM	300KM
režije	boravi u domu	140KM	130KM	200KM
hrana	100KM	100KM	50KM	200KM
džeparac	100KM	80KM	80KM	100KM
troškovi fakulteta	120-160KM	10KM	(obazbjeđeno)	20KM
prijevoz	44KM	/	40KM	/
stipendija?	Boračka stipendija	/	/	/
studentski poslovi?	ponekad (malo plaćeno)	lanac trgovina, rijetko, mjesečno cca50KM	/	/

Ispitani studenti složili su se u jednom, jako je teško, a sada je postalo još teže. Osjećanje sramote postalo je još više izražajnije jer roditelji trpe dodatni teret. Umjesto ponosa zbog akademskog unapređenja, borbe se za svjetliju budućnost, biti student sada je postala vrsta tereta, mišljenje je nemale većine studenata.

Podaci iz tabele jasno prikazuju da jedna prosječna bh.plata, apsolutno nije dovoljna za pokrivanje osnovnih troškova članova porodice.

Iznosi stipendije kreću se između 400-1200KM, a većinu ih je jako teško dobiti. Kada govorimo o studentskim poslovima, obično su tu fizički poslovi poput konobarisanja, utovara-istovara robe, ili rad u prodavnicama odjeće/obuće, a obično je satnica na istim 2-2.50KM. Pomisao na studentski život, nekome je nekada budila lijepa, najljepša sjećanja, a sada nas podjeća na malo gorča sjećanja.

Biti student izuzetno je teško, a malo se govori ovome. Potrebno je glasnije izražavati naše nevolje i naše potrebe. I mi postojimo. I nas se tiče!

S. G.

(Svi podaci preuzeti sa zvaničnih stranica Federalni zavod za statistiku Federacije Bosne i Hercegovine, te Savez samostalnih sindikata Bosne i Hercegovine

Podaci korišteni u upoređivanju dobijeni od bh. studenata)